

Afirk tênsa zems-n-taar sardo kombôonega yel segdà la b beoog vààm neeryînga.

Sên lebga a sebra ne moore : A Adama Zak SIBALO

B sarda ne taab la woto :

Pipi saka : Biiga zug n yelle la atùùm pakre

Sak a 1 soaba : Biiga koglgo laa yel-segdà

Gom-rulg a 2 soaba: Bi-bilf

Sâ n ya ne Sardâ, bi-bilfu bi yâaga, ya ninsaal fâa yùùm sên zemse, bà pa loogpiig la a niy ye

Gom-rulg a 3 soaba : Neba fâa zema taaba

Biigfâa tara noor n paam a yel-segdà n tôle n vààmd ne sû-noogo, n soog a menga n maan a sên dat wa sardâ sên n gânegâ, n da welgned ne a to n bak ye. A soab yaa ninsablega, walla nin-peelga. A sên yaa buud ninga fâa. A sên gomd buud goamninga fâa, a ya raoa, a yaa paga. A sên be dîin ninga fâa pûga. A maanda politik walla a ka maand politika, a sên be têng ninga walla zâmaan ninga, bi sull ninga pûga. A roagdba tara paoongo la arzèka, walla b pa tare. A sên dog n be zîg ninga fâa t'a và ne a roagdba walla a vààned a to nengê.

Gom-rulg a 4 soaba : Bûmb ninsa sên tar yôod kasems ne biiga

1. Tùùmdfâa tênga pân-soaala, bà nedsên na n maan biiga yînga, a soab reng n gelg pipi, tùùmdâ bûmba na n talla yôod kaseng ne biiga vààm.
2. Kâdemsa la sari bù-kaoodba tùùm noy zîis bûmb sên na n maan tà sàas biiga, sari bà kâdeng yell wèèngê, biiga sâ n tôle n kô vêenem ne yellâ, b maan b sên tôle tèka, tà b kelg biigâ, walla biiga paam nin-tàrg toore, tà lèd-a zîgê n tû yèla nao n manege. Tà biigâ koees tôog n paam kelgre ne pân-soaala, wa sari sên maan no-ràkr n gâneg sên kêed ne yel-kângâ wèèngê.

Gom-rulg a 5 soaba : Biiga yô-pôsr la a vààmâ yidgri

1. Biig fâa segdame n paam nvààmd ne yôore. Sâ n ya ne sardâ, biiga segdame n paama koglginga sên gûlsâ tà nedra yêes-a abada.
2. Têmsâ fâa sên be nug tikrâ pûgmaanda b sên tôle tà biig fâa tôog n vààmd la a paam koglginga la a vààmâ yidgri.
3. Gàdgame tà b balg bi-bilf n kù, ba t'a yàà sabaabn maan ned wêenga, bà nin-kùure

Gom-rulg a 6 soaba : Biiga yùùr la a sondre ne a têng-biilim yelle

1. Biig fâa tara noor n paama yùùr la sondre a rogem wakate
2. Biig fâa yùùr la a sondre gûlsda a rogem wakate
3. Biig fâa taranor n paama a têng-biilim sebre.

4. Têms ninsasên naag n maan Sardâ na n pùg gesame, sên nan yàl tà b tênga sari wâsak n bâng la b tû sardâ na-kêndre, tà biig fâa tara noore, n paama a têng-biilim sebre, a sên dog têng ninga pùgê, sâ n mikame t'a rogmâ wakate, biiga ka tôe n paam tênga a to têng-biilim sebre, tà ka bâmb tênga rê, watênga kânga têng-kugrâ sari sên gome n gânege.

Gom rulg a 7 soaba: Biig tara noor n togs a yam tagsgo

Biiga fâa sên tôe gome, tara noor la soog-m- menga, n maan a yam tagsgo zîg fâa la bûmba fâa pûse, la a wilgaa yam raabo, sari wâ sâ n ka gâdgâ biigâ.

Gom rulg a8 soaba: Biiga tara noor n maan sull tùùmde

Biiga fâa tara noor n soog a menga, n maan sulli, walla a kées a meng sull (asosiyasô) tùùm pûga, walla a maan bà a naag a meng tigsig sên ka wat ne zabr pùgê, wa sari wâ sên gome n gânege.

Gom rulg a 9 soaba: Biig tara noor n tagse, n tû dîin ninga a sên date, la a maan yam tagsgo

1. Biig fâa tara noor n soog a meng n tagse, n soog a meng a yam pûga, la a tû dîni a sên date.
2. Biiga roagdba walla a gâasoaba togame n sagleg biiga la a wilg biiga t'a bâng n tûn paama a yel-segdâ: bûmb ninsa sên na sông biiga tà zemse, la sak ne-a bàùunga n dabda, la bôn-kâenstall yôod kaseng ne biiga.
3. Têms ninsa sên naag Sarda pûga, yel-pakre, yaa tà b segdame n waoog kamba roagdba, walla b gâasoabramba, sên maood n maand sôngr tùùm ninsa fâa biiga yînga. La b kô aroagdba; bà biiga zâadbasaglese, la wilgri buud toor tore, biigasên na n dàk n paam n nafne a yel-segdâ a vààmâ pùgê, wa tênga sari la politika raab sên kêed ne yell kânga wèèngê.

Gom-rulg a 10 soaba : Biiga vààma yèl-soodâ koglo

Ka zemse, la ka tûsore, tà neda to bao n kê n bâng biiga vààmâ yèl ye. Biig ba a ye kana n sak rê ye.ned pa segd n kées a toog a roagdba, a kâadem yelle, bà a zo-râmb yell pûg ye. Tà paoogr zîndi, walla b sâama a yùùr ye. A roagdbataranoor n gûusd-a n geta a zùgdâ la a na-kêndre. Ne Sardâ sên dàkâ, biiga tara sor n paam kogleg la a kàas neb ninsa fâa sên dat n bao n bâng a sên và toto la a vààmâ yèl-kêere.

Gom rulg a11 soaba: Biiga wubri

1. Biig fâa segdame n paam wubri
2. Biiga wubr maaneg yaa tà b :
 - a) Tôog n maan bûmb n sông biiga meng-kâtâ t'a yà beoogo nintarga la a paam yidgri hakâàk zânga a vààmâ pûga, woto me ne a sên tar kûun ninga, a yamâ, a yînga, a bângre, la a mimin n wa sek n pid zânga.
 - b) N sông biiga n paas a raoodo t'a waooge, la a tû ninsaal soogem-n menga sari wâ sên ya soogem-menga meng yêgre, sên yààd fâa,

b sén togs no-ràkds kér pùsê, sén n be sén kéd ne Afirk témса sén naag taab n maan ninsaal yel-segdem la nimbuïidâ sari wâ, la b sén maan no-ràkdsâ a taab pùse, la tén-s-ka tèk zems n taar nug-tikri sén kéd ne ninsaal yel-segdà wèèngé.

- c) La b maan kogligo, la b paas bûmb ninsa sén sômb ne Afirk burkînda vààmâ wèèngé, bûmb ninsa sén sômb ne Afirk kùdemda, rogem-n-mika sômâ fâa yînga.
 - d) Maan wubr tùùm sagleg biiga yînga, t'a bâng t'a và-sôngo ne nimbuïid sén so b mense, yaa a zug n yelle, wùm taab pùgê, bas yard pùgê, kô taab yam, waoogem-n taar wakat fâa, ne zoodo, neba la buuda ne taab sùka, dîinâ ne tûudmâ buud fâa ne taab sùka.
 - e) N kogleg tênga soogem menga la tênga soolem gill fâa kèpi.
 - f) Maan t'a bâng la a tùùm n tôog tà Afirk neba naag taaba n lebg a ye, la b teel taaba.
 - g) Kât neba ra sâam weooga ye, la kogleg zînd ne têngâonga arzèka,
 - h) Kât biiga wùm kombôonega logtor yir tàbsg yelle vôore.
3. Têms ninsa sén naag Sarda maaneg pùga segdame n tùùm wa b sén tôtèka n pids no-kângâ la sén yâada fâa, b yâk yam n tùùm tà :
- a) Karenga zâmsg yâ zaalem la tâlae ne biig fâa sén ta lekoll maanego.
 - b) Tôog tà kolèès râmba paam pâng n yidg n keng taoore, a nemsâ buud toor toore pùse, tà kaoosg pùg bà karenga zâmsg lebg zaalem tà biig fâa tôog n karem nana nana.
 - c) Kât neba fâa tôog n paam n maan karem-bi-bèda kareng zâmsgo wa ned kam fâa yam, a bângr la a minim, la a pâng sén tôtèka.
 - d) Maan na-kêndr tà b tôtèka n sômyâ toor zalle, na-kêndre, n ges tà kompugli ninsa sén mi karenga la b roagdba pa ta tôogo, bà b tôog n paam n karem, b sén be zîiga ninga fâa.
 - e) M maan b sén tôtèka n sômyâ toor zalle, na-kêndre, n ges tà kompugli ninsa sén mi karenga la b roagdba pa ta tôogo, bà b tôog n paam n karem, b sén be zîiga ninga fâa.
4. Têms ninsa sén naag nug sardâ pùg maanda bûmba fâa n tôog n maan tùùm sômyâ toor zalle, tà biiga yel-segdà paam pidsgu. La b yâk yam n tûme tà :
- a) Kombôonega karenga zâmsg yâ tâlae la zaalem
 - b) N tôog n maan tà karen-bi-bèda zîigê karenga pâng paam paasg a nensa buud toor toor fâa pùga, hal tà kamba wa tôtèka n paam karem la karenga yâ zaalem.
 - c) N maan b sén tôtèka n karen-bi-bèda kareng zîigê, neba tôtèka n paam n karem wa ned fâa bângr la a minim sén tekê,
 - d) N maan no-ràkr n kât neba paam raoodo n kées kamba karen-dotê tà b tôog n karme n tôog n boog kamb ninsa sén pa tôtèka n yit n basd lekolla sôore.
 - e) N maan b sén tôtèka n kompugli ninsa sén tar bângr la b roagdba pa tar tôog ligd wèèngé tôog n paam karme, wa kamba taaba.
5. Têmsa sén naag n be sardâ pùga na n waooga kamba roagdba, bà kamba gâasoab râmba yel-segdà, la b sén segd n maan, tà roagdba

tôe n yâk karendoog zêng b sên dat n ning biiga tà pa tû ne tênga pânsoaalba karendota ye, sâ n mikame tà karendoogâ soab tûu sor n me a karendotâ, tà roagdba tôog n maan biiga dîna la yam vààm wubr tà zems ne biiga pânga la sakdê la tûud ne biiga bàùungo.

6. Têms ninsa sên naag Sardâ maaneg pûga segdame n ges tà biiga bà a roagdba sênsak ning biiga karendoog ninga zîgê, la a sakd karendooga taoor râmba karenga noorâ sân beege, bà a sàbgrâ tôog n tû sor tà waoogr zînd ne biiga burkîndi tà ra yôsg ye wa sardâ sên wilgi.
7. Têms ninsa sên naag Sardâ maaneg pûga segdame n ges tà kompugli sên na n dàk pûse, sên deng tà b baas b karenga, wa tôog n paam n maan karenga zâmsg n baase.
8. Ned ka tôe n kâàs seb-kângâ sên yeel bûmb ninsa sari wèèngê, n maan bûmb sên ka na n waoog neda la tûùm noor ning sên get karenga na-kêndr yella sooge-n-menga tûùmâ nao, n kêng n tà pak karen-doogo, n na n maan kamba zâmsg zîiga. Rênda t'a tû sardâ sên gânegâ, wa sên togs limor a 1 zîig wâ, t'a sên kôt zâmsg ninsa karendooga pûga zems la sakd ne tênga taoor râmb sên gâneg noy ninsa wâ.

Gom-rulg a 12 soaba: Biiga soog a menga, reem ne a taaba la a tôog n zâms bûmb maanego

1. Têms ninsa sên naag nug tikrâ pûg sak tà biiga taranor n paam n vùùse, la a reeme, n maan desê râmb zâmsgo la yèl a taab sên zems ne a yùùmâ. La a kées a me toog tênga rogem mika la kùdemda reem zâmsg pûg tà ka tû ne modgre ye.
2. Têms ninsa sên naag nug tikrâ pûga waoogda sard nins sên kôt biiga noor t'a tôe n kées a toog n zâms wall a maan tênga rogem mika yèl la a reem buud toor toor tûùma.

Gom rulg 13 sobaa : Bi-koamsa

1. Biig fâa sên ya koamsa, walla a tara zanga a yama pûg toga ne koglego toor zalle ne a sên dat bûmb ninga a vààma pûga, la b zâ-a sôma n sông-a ne bûmb ninsa sên ya tâlae la sakd ne a vààm, tà neba nan-a la kât t'a tôog n soog a menga n tûùm wèèngê n zâ a menga; n tôe kées a toog n maan bûmb wùsg kùdemda reem zîig ne neba a taaba la b ra paoog-a, la b ninga yând ye.
2. Têms ninsa sên naag sardâ pûga na n tûùmame, ne b sên tar paoong la arzèk la teed ninsa, n tôog n sông kamb nins sên ya koms râmba, la neb nins sên get koms râmba yelle, tà b sên da kos taoor dâmba bûmb ninga n na zâ biigâ tà maneg-a wâ, a komslema yînga, la b ges biiga yelle t'a tôog n paam wubri la zâmsg nug tûùm wèèngê, la tûùm a taab sên wè n maandê t'a me wa yâ ned n yidg tûùm la yam vààm, paoongo, la bângr wèèngê n wa a taaba. La a tôe kê a taab sùka.
3. Têms ninsa sên naag nug tikrâ pûga na n dàka paoong ninga b sên zoe tara n tôog sông wakat fâa tà b tôog sông koms râmb ne teedo, bôn-zombdse, sên zems ne koms râmba tà b tôe kêne, n yi b sên beê wâ n kêng kâdembs rot zîis fâa la b tôe n dù rot sên ya etaas râmb n maneg b yelle wa b sên date.

Gom-rulg a 14 soaba : Biiga laafà la logtor yir tàbsgo yelle

1. Biig fâa segdame n tara lafà a yînga pùga, a yam vààm pùga la a sààga pùga.
2. Têms ninsa sên naag n maan nug tikrâ kéesda b toogo n tôog tùme, biiga yel-segdà yînga, sên yààda fâa n dàk noor n tôog tà :
 - a. Pûsa sâang la kompeelsa kûum booge.
 - b. N ges n paam sôngr tààm la tùùm teedo, la logtor yiy n tôog n paam tàbsd kamba fâa n zâag ne bâ-bôonegâ
 - c. N ges tà rà-sômyâ la ko-sôongo seke
 - d. N zab ne kamba bâase, la rà-sông kaalem n zâag logto-yi-bôonesâ pûse.
 - e. N ges n tàbs pagb ninsâ sên tar pûse, la biig ma râmba
 - f. N ges n pak tùùm zîis sên pê ne nimbuiidâ, kamba wubr la rogyaagra yînga
 - g. N ning logtor yir tibsg tùùm yôgneg sên pê ne nimbuiida n maan têmsa pûse tênsâ yidgri yînga
 - h. N ges tà zîisa fâa, nimbuiida, sên yààda kamba roagdba, sulla sên get kamba yelle, neb b sên yâk tà b tùmd nimbuiida yînga tôog n bâng la b paam raoodo, n tall bângr ninga b sên paam rà-râtla sên keed ne kamba laafà wèèngê wâ, biiga ma bîsim yêsenga yôodo, yolgenda yelle, zîisa yolemd yelle, la zu-loees ataab sên tôle wa paam kamba zagsa pùs la a taaba.
 - i. Kêes maooba pùga, sulla sên so mens n tùmd kamba yînga, sulla sên be tênbôonesa pûse, la neb ninsa sên paam logtor yir tàbsg zâmsgo, a yôgnego, la zâab kamba wèèngê wâ.
 - j. N paam logtoeemba la ligdi, n maan sông nimbuiida la b keng nimbuiidâ sên be tênsa pûse, tâb kêes b toogo n tôog n tùmsagsâ, la tênbôonesa, la tênbèda a taaba pûsê, kamba lafà yînga.

Gom rulg 15 soaba : Kamba tùùma yelle

1. Biig fâa segdame n paam koglgo, la b zâag-a ne tùùma wêgdo, la a tùùmd fâa sên tôle sâam biigâ n maan biiga wêenga, sên tôle n gâdg-a t'a pa karem n zâage, bà wa ne bâase, bà komsa a yînga, a yama, bà tôle yà zu-loeeg n kô-a a vààmâ fâa gill pùga.
2. Tênga taoor dâmb sên maan nug tikrâ, na n tika tênga sari, kâdemsa la kamba sarda na-kêndre, n maan tà zîiga fâa, neba sakn tû, b sên na n tûnug soll ning sên zabd ne kamba tùùma, t'a yaa nansaara tùùm noor walla neb sên tùmdb mense bà a taaba, têns ka tèk soll ning sên zabda ne kamba tùùm sari wâ sên tar pânga yînga, tênsa taoor dâmba na n yâka yam:
 - a. N râk noor rê yînga, n wilg tà biig sâ n ka ta yùùm ning sôor wanoorâsêñ kô wâ, a ka tôle n tûm tùùm kêer ye.
 - b. N yâk noor n wilg neba tà b bâng tùùma lèère, la ned tùùm baoob walla a râkr manesem na-kêndre.
 - c. Nyâk sari noor n ning sên tôle n sàbg noorâkâàsdba, la b kât neba tû la kogl zînd sardâ sên dàka.

d. N maan tà kàbayâ saag n kê nimbuuida fâa, tà b bâng yell ninga sên be sardâ pûga.

Gom rulg a 16 soaba : Zabr ne kamba zâ-wêense la maan tà yôsge

1. Têms ninsa fâa sên maan zems-n-taar sarda nug-tikri kânga na n tikasari wâ, kademsâ tùùm noy n dàk noor toor zalle, nimbuuida la wubrâ zîsê n kogleg biigâ ne sâbgre, ne toogo, keelem tùùma, ne namsgo, la yân-tùùm la yaalg buuda fâa, b sên na n maan biiga zugu, n pa ges biiga yelle. Walla b sâ n maan lagem-n-taar ne pânga ne biiga wakat ninga b sên dàk-a n gûnug neda, walla a roagdba, bà a gâasoaba, walla lekoll wâ, bà zêng sên ka rê sên get biiga yelle.
2. Biiga koglg noor sên gâneg seb kânga pûga ya sên na n yâl n zînig sull toore, sên na n pûg n gûus n ges biiga, la b kô biiga, la biiga yel-gètba la neb nins sên get biiga beoog neer yelle, sôngre, la noor a taab sên beoogd yelle pînda n bâng la b togse, sâ n wa mik tà b ka ges biiga yelle, sân wa mik tà b zâada biiga zâ-yoodo n namsda, tôle boola a soaba sari taoore, la b maan ânkèt yel-kânga zugu n ges yel-bâmb fâa yel-manegre.

Gom-rulg 17 soaba : Kombôonega sari kâdeng yell gesgo

1. B sân dôda biiga, walla b yeelame tà biiga beega sari wâ tà b segd n sâbg-a, biiga tara noor tà b maan-a sâbgr toor zall sên sakd la zems ne a yùùmâ sên ta toto, a burkînda la sên sômbe. Sâbgr pûga, waoogr zînd ne biiga, wa ninsaal yel-segdâ la neba a taaba na paam soogem-n-menga.
2. Tênga taoor dâmba sên be sardâ maaneg pûga, sên yâàd fâa segdame :
 - a. N gûus n ges la b maan kogleg biig fâa b sên yôk n zînigi, bà a sên be bâens roogo, walla a pa le tara a soogem-n menga, b ra pâb-a n nams-a n yaaal-a, bà b maan-a sên ka segde, n paoog a burkînda la b sâam a vâàmâ wa a pa ninsaal ye.
 - b. N ges tà b welg kamba la b ra naag kamba ne nin-kasense bâensa rotê, walla b zînig zîig a yembre ye.
 - i. N ges tà biig fâa b sên maan rôdga a zugu t'a kâàsa sari wâ la a tog ne sâbgre, bi b gèlg-a nanda t'a ka bèègd ye, hal tà b wa vaeens n ges n bâng, a sâ n sàd maana yellâ, tà b yaool n kao a bùùdo.
 - ii. B segdame n togs biiga, b sên rôd-a ne yell ninsâ fâa n da kell gomd ye. A sâ n ka wùmd buuda goam, bà a paam ned sên na n lebg goamâ t'a wùmdê.
 - iii. Biigâ tôog n paam sôngr sên zemse, bà bûmb a to sên sakde, n seglega a meng n tôog n gom n fâag a menga
 - iv. La a yâ tà b kaoa bùùda n yâk yella neng tao ne sari-bù-kao-mitba la b so b mense, b sâ n yeel tà biiga beegame, bà biiga tôog n paam sari bùkaoodba a taab pâng sên yâàd pipi râmba, tà b tôog n lebg n wa bùùda zugu n gese.
 - v. N maan gâdgre, tà kâba-kâtba la nimbuuida ra wa zînd n kelg biiga bùùda ye.

Goam rulg 18 soaba : Roagdba koglgo

Zaka, yaa ninsaal buud fâa vààm yêgre, rê wâ, zakaviglig la a yidgri wèèngê, tênga taoor dâmb segdame n sông raoa ne a paga.

1. Tênga taoor dâmba sên tik ne sarda dàkda noore, sên na n yàla, n kât zengrda zînd raoa walla paga yel-segdà la b yel-pakre kamba wèèngê, kâadmâ pûga la kâadmâ welgre. Yikâadmâ sân na n welge, na-kênd n be sên na n yàla, tà kamba paam koglgo la zâ-sôngo.
2. Biig ba a ye ka tog n kong zâab la kogleg t'a roagba kâadem viglig n ka zems yîng ye.

Gom-rulg a 19soaba :Roagdba ges kamba laafà la b zâaba yelle

1. Biig fâa taranoor t'a roagba ges a laafà la a kogleg yelle, la, sâ n mik tà tôle bà, biiga zînd n vààmd ne a ba la a ma. B ka tôle n modg biiga n welg-an zâag ne a roagdba ye. Sâ n ka mikame tà sari wâ zîig dâmba, n kô noor sên kêed ne kamba wèèngê n yeel tà welg-kânga ya bûmb sên na n tall yôod kaseng n kô biigâ.
2. Biig fâa sên zâag ne a ba walla a ma, walla b yiiba fâa, biigasegdame n paam lagem-n-taar la tôkr wakat fâa ne b yiiba fâa tà ka tû ne ned a to saabaab ye.
3. Sâ n mikame tà biiga zâagr ne a roagdba tûu ne ned a to saabaabo, walla ne têngasên maan sardâ, a soab segdame n wilg biiga sên be zîig ninga, walla biiga zaka neba, biiga sên be zîig ninga. Têns ninsa sên maan sardâ nug-tikrâ segdame n maan gûusg tà b sên maan kosga ne ned ninga, sû-yikr ra wa zînd sùk ye.
4. Têmsa sùk têng a yembr sên be sardâ pûg sâ n yôk biiga, yaa bâmb n kel n n tog n togs biiga roagdba bà a gâasoab râmba, tà b bânge, tà yaa bâmba n yôk biigâ.

Gum rulg 20 soaba : Roagba tùùmd pakre

1. Biiga roagdba bà neba a taab sên get biiga wubr yelle, n yaa pipi ned ninga sên na n ges n dàk biiga wubri, la a paam bàùùngo, n yêege, tà lebg b yel-pakre, b segdame :
 - a) N ges la b ra wa saag n yîm bûmb ninsa fâa sên tar yôod kasemsâ ne biiga ye.
 - b) N maan wa b sên tôle tèka, n ges n dàk b paoongo la b arzèka fâa ning zîig ninga sên tôle sông biigâ t'a yêege.
 - c) B segdame n ges n maan b sên tôle tà zaka pûga wubra tû targâ wa biig fâa sên segd n paam wubr ninga a vààma pûgê
2. Têms ninsa sên maan zems-n-taar nug tikrâ sard sên kêed ne kombôonega koglog wèèngê râk na-kêndr sên zems n tôog :
 - a) ne bâmb tênga sên và neng ninga toto, la b paoong sên ta zîig ninga, b ges maan b sên tôle sông biiga roagdba walla neb a taab sên na n ges biiga wubr yelle, tà bôn-daab sôngr sâ n wa beê wa teedo, râàbo, laafà yelle, karenga yelle, futu, la gâag zîiga bi tênga râmb sôngr wèèngê.
 - b) La b sông biiga roagdba walla neb ninsa sên zâada biiga tà b tôog n maan b tùùmd biiga zâab wèèngê. La b maan tàbsg noy zîis sên tôle n wa get kamba tàbs yelle.

- c) La b maan kamb gesg zîis wa garderi tà kamba roagdb bà zakgs kêer paam n ning kamba tà b get b wubrâ yelle.

Gom-rulg 21 : soaba : Biiga paam kogleg ne kùdemda la neba taab tùùm manesem wêense

1. Têms ninsa sên maan zems-n-taar nug tigrâ sard sên kêed ne kombôonega koglog wèèngê râk na-kêndr sên zemse, n tôog tà neba, kùdemda la tùùm manesem wêensâ fâa sên pa sômb ne biiga beoog neere, a burkîndâ, a bàùùngo, la a menga paam yidgri, sa zânga, sên yààd fâa :
 - a) Tùùm manesem la zùg-wêensâ sên tôle maan tà biiga kong laafâ bà tû ne yôor,
 - b) Tùùm manesem la zùg-wêensâ sên tôle maan zêngr ne kamb kêere, yèl a taab yîngâ walla biiga ya rao bà pag yîngâ.
2. Têmsa taoor dâmba maanda no-râkdese, la sari n gâneg n tôog n zab n gàdg kambôonenega mariyas maanego, la pûlem n dàk biig n kô sàda, n naag ne yùùmd toor zall tênga râmb sên na n yâk n kô tà bipugl sâ n pa ta yùùm piig la niy, bà b ra kô a sàd ye, la maryas fâa maaneg yà gûls bûmb ne tàlae tênga pânsoaalba taoore

Gom-rulg a 22 soaba: Zabr ne bug-raado

1. Têms ninsa sên be zems-n-taar nug tikr sên kêed ne kombôonega koglg wèèngê maanda b sên tôle, n kât neba tû la b waoog têns ka tèk sari ninsaal yô-koglega noy nins sên wilig tà kombôonega segd n paama koglego, zabr ne bug-raado wakate, sên namsd kombôonega n tà yààda yîngâ.
2. Têmsâ sên maan zems-n-taar nug tikri sarda, râk na-kêndr n gàdg tà b ra kées kombôonega zebra pûg ye. Zabré râmb me da modg kombôonega ne pânga, n kô-b zab teedo n tà bmaan zabré ye.
3. Sên tik têns ka tèk sari ninsaal yô-koglega, têms ninsa sên maan zems-n-taar nug tikri sarda, tùùm pakr ya, b tôog n dàk na-kendre, n kogleg tênga nimbuïda fâa zabr ne bug-raad wakate, la b tâbse, la b kogleg kamb ninsa sên paam zu-loeesa, zabra pûga. Koglega a woto me maanda wakat ninga, tênga râmb ne taab sên maand zabre, walla nimbuïda ne taab sâ n wazabd taaba.

Gom-rulg a 23 soaba : Kamb sên zoe zabr yîngâ

1. Têms ninsa sên maan zems-n-taar nug tikr sên kêed ne kombôonega kogleg wèèngê dàkda na-kêndr sên zemse, n ges tà biig ninga fâa sên zoe zabrsên wààng yîngâ, walla pa zabr yîngâ; n baood zoetb kogleg sebre, bà b gèlg-a wa zoeta, sên tû ne têns ka tèk yô-kogleg sull yîngâ, biiga sâñ tû a roagdba walla a pa tû a roagdba n zoe, bà a rog-pêtse, walla ned a to, n wa b têng wâ, tênga râmb sông-a ne bûmba fâa, la biiga tôog n paam kogleg sebr sên wilig t'a zoeya zabré yîngâ. La a segdame n paam sôngre sên yit tênga taoor dâmb nugê watêns ka tèk sôngre sull sari sên gânega, tà tênga taoor dâmb miê.
2. Tênga taoor dâmb na naagame n sông têns ka tèk sull ninga sên get zoetba sôngre la a kogleg yelle, n yâag-ba, tà b tôog n maan kogleg la sôngre kombôonesa, wa sên be seb kânga gom-rulg I, la tà b tôog n bao

kamb ninsa sên zoeyâ roagdba bà roagdba pêt-n-taase n yânde, bà kamb ninsa sên ya zoetba nan pa tar sôngre la yâagre, tà sôngdba sull neb tôog n paam kamba roagdba kâbare, n wa tôog n tall kamba n tà kô-ba.

3. Sâ n mikame tà b ka tôle n yâ biiga roagdba, walla a buuda neba, walla a roagdba pêt-n-taase, biiga segdame n paama kogleg la zâ-sông wa kamba a taaba wakat bilfu, bà wakat fâa yînga a sên và zîig ninga.
4. B segd Ninga na-kêndr kânga kamb ninsa sên zoe n yi n bas b roagdba sên be tênga Ninga yînga, sên tû ne sâang sên ka tû ne ninsaal tùùmde, zabr yînga, nimbuiida sên dâmbd taaba, saas ni-bèda, sebdo.

Gom-rulg a 24 soaba : Biiga wubri/zâabo

Têms ninsa sên be sardâpùg lab zoe n mi wân to, la na n wub biiga, na n Ninga pânga tà biiga bôn-daabkasemsâ fâa sên yaa tâlae ne-a wâ paam pidsgu:

- a. N tuk tùùm noy zîisi, sên tôle n yâk yam n maan nges biiga wubr maaneg yelle, Lab ges tà wubrâ tùùmd tû sore, wa sari wâ sên yeele, la a tûud na-kênda ninsasên keed rê wèèngê, la ne kibay sên paame, tà beê n kôt kaset vêeneg nwilgd tà b tôle n maana biiga wubrâ ne a soaba, wa kamba sari wâ yînga, biiga roagdbâ, roagdba pêt-n-taase, bà a gâasoab râmbana n sakame tà b n maan biiga wubri tùùmde. La nin-bâmba sên zoe n paam sages sên keed ne biiga wubr wèèng wâ yell tà zemsabânga wubr yell vôore.
- b. Tà b bâng tà tênga ne a to râmb sên be sarda kânga pùga walla têns ka tèk zems n taar sên keed ne wubr maaneg tùùmd tôle n yâ yaool neb sên na n gesn maan sôsg ne biigâ n gese, sâ n mikame tà biiga pa tôle n deeg t'a zînd zak-reegdem walla zak-wubd pùga, bà b sâ n pa tôle n deeg biiga a sên yit têng Ninga wâ pûgê n wub tà yèla fâa zems n tû sore.
- c. N ges tà biiga tênga ne a to wubr maanega, biiga paam kogleg la zâ-sôngo tà zems la sakdê wa a meng têngê.
- d. N dàk na-kêndre, sên na n yâl tà biiga sâna wub tênga a to, a wubra maaneg ra yâ wa leebg tùùmde, bà paam ligd tà ka tû sore, ne neb nins sên baooda n paam biiga n wuba ye,
- e. N ges n paam b sên na n wa maana a soab ne seb-kânga sari wâ, n maan zems n taar nug tikr têns a yiiba ne taab walla têns ka tèk zems n taare, n loe b mensa tà rê pûgê bi b tôog maan biiga wubr tùùmd tênga a to wâ, tôog n yâ sômbo, ne pânsoaalba bà sull Ninga sên get kamba wubre yelle,
- f. N maan na-kêndre, sên na n pûg n gûus n ges biiga wubra la a zâaba ya sôama zânga.

Gom-rulg a 25soaba : Biiga zîigzâagr ne a roagdba

1. Biig fâa sên na n zâag ne a roagdba wakat bilfu, walla na n kaoosame, ba sên ya bûmb ning fâa t'a ka na n vààmd a sên da và zîig Ninga, biiga toga ne koglego la zâ-sôngo, toor zalle.

- 2.** Têms ninsa sên maan zems-n-taar nug tikr sên kêed ne kombôonega kogleg wèèngê na n tùmame tà :
- Kààba, walla biig sên na n zâaga a roagdba n tà zînd ned a to nengê n kaoose, walla wakat bilf pûga, walla zemsame tà biiga targ n bas a roagdba, b gesa a yelle wa a be ne a roagdba, n bao zî-rèègdga wala tùùm noor zîg sên get kamba yell sôma n kô-a
 - Na-kêndr ràkdamé tà biiga ne a roagba welgr sân tûu ne zabr ne bug-raado, sên yik tênga pûga, ma yèl a taaba sên maan tà pa tû ne ninsaala, tà b zoe n welg taab n tà be zîg a to walla zâmaan zênga, b tôog n maan bûmba fâa ne tâlae, tà biiga ne a roagdba wa tôog n yâ taab zîg ninga b sên da welg taaba.
- 3.** B sân dat n gûnig biiga kamb reegr zîgê, walla nedn na n deeg-a n wubi, b ra yîm bûmb nins sên ya tâlae ne biiga vààm ye. Segdame tà biiga kell n maana a lekolle, la biiga bâng a buudu, la a buud goama, a bânga a sên yit têng ninga.

Gom-rulg 26 soaba : Biiga koglego ne bu-welsego la zêngre

- Têms ninsa sên maan zems-n-taar nug tikr sên kêed ne kombôonega kogleg wèèngê, kées b toogo n tùm tênga pûgê la ne têns a taaba, sên na yàl n loos taoore, tà kombôonega paam byel-segdà wâ fâa, n tôog n vààmd têng ninga b sên maand bu-welsega pûga.
- Têms ninsa sên maan zems-n-taara nug tikr sên kêed ne kombôonega kogleg wèèngê na n tùma ne taaba la ned kam fâa têng pûgê, sên na yàl ning pânga n loos taoore, kombôonega sên dat bûmb ninsa fâa n tôog vààmdâ têng ninga b sên maand taab zêngrepûga, la sodaas sên maand zabr n dâmbd tênga ninga pûga.
- Têms ninsa sên maan zems-n-taar nug tikr na n tùmame ntôog kô sôngr teed fâa kam-bâmba, la b mao n ges sên na yàl tà bu-welsego la neba zêngr ne taaba pâng sa Afirik têmsa fâa pûse.

Gom-rulg 27 soaba : Kamba wêgb yooba wèèngê

- Têms ninsa fâa sên maan zems-n-taar nug tikr sardâ yâka yam na-kendre, n na n tùm la b vigligsari noy sên na zab ne neb sên belged kamba n wêgd-ba n kées yooba pûsê la raopa sên yôgd kompugli bôonesâ tà yel-kâensâ yaool n gàdge, la b râk na-kendre :
 - N maan gàdgre, tà b ra tudg walla keng biig sûur t'a maan pûg koosem menga tùùm ye.
 - B maan gàdgr tà b ra tall kombôonega n kées pûg koosem menga walla yoob tùùm buud toor toor pûse ye.
 - B maan gàdgr tà ra tall kombôonesâ n kées raop la pagb sên gâe taab tà b gêt-b filimdâmba pûse ye.

Gom-rulg 28 soaba : kamba tab-toosa yûub yelle

Têmsa sên maan zems-n-taar nug tikr Sardâ maanda na-kendre, sên zemse, n tôog n kogleg biiga ne tab-toosâ buud toe toe yûubu, wa b sên wilg têns ka tèk nug tikr sèb pûse sên kêed ne rê wèèngê. La b maan zabr ne neb ninsa fâa sên kât kamba kées toog tab-toosa koob la a leebgapûga.

Gom-rulg 29 soaba : kamba koosgo, b wêgbo, b zuubu la saad n bôosdê yelle

Têmса sén maan zems-n-taar nug tikr Sarda maanda na-kêndre sén zemse, n tùm:

- a) Gàdg kamba koosgo, b wêgbo, b zuubu la saad n maand bôosg buuda fâa la a nemsa ka tèkâfâa paam n sa zânga, ne ned fâa hal n tà naag ne kamba roagdba bà kamba gâasoab râmba sén maand ne kamba.
- b) Bmaan gâdgre, tà b ra bas kamba tà b saad n bôosd ye

Gom-rulg a 30 soaba : Kamb ma râmba sén be bâens rotê

Têmса sén maan zems-n-taar nug tikr Sarda zug na n deng tùmame sén na yàla, tà b tôog n maan gesg tùùmd toor zall pagb ne pûse, bi-pèëlsa ma-râmba, la kambôonesâ sén maan beegre ne sari wâ tà b kées bi-bees rotê yelle,

- a. Tà b sâ n kao bùùda n sa, bà b sàbg-a ne sàbgr a to la b ra n kées kamba ma-râmba bâensâroogê ye.
- b. Maan bûmb tà tekr zînd tà bi-peelsâ ma-râmba da kê roog ye, la b tuk tùùm noor zîg n ning- b be, n tôog n ges-b vààma yel-manegr yelle.
- c. B maan tùùm noy zîis toore, sén na yàl n tôog n ges pùg-bâmba bâensa roog kôom yelle
- d. La b pùg n ges tà b ra ning bi-pèèlg ne ama bâens roog ye
- e. B gûus n ges tà b ra kées bi-pèèlg ma bâens roog n balg-a n kù ye
- f. La b maan tà tekr zînd sâ n yaa ne sari bù-kaoodba zîgê, la bâens rotê taoor dâmba paam yâabo tà b yâabâ yà, ra le kées bi-pèèlg ma bâens roogê ye, la b yols-a t'a paam a yel-segdâ lebsgo n tôogn lebg n kul a zakê, la a paam n yel-manegr n tôog n vààmd ne nimbuïida.

Gom-rulg 31 soaba : Kamba zug n yell zaka pùga

Biig fâa segdame n tùm n maneg a roagdba, n tùm n sông nimbuïida, n sông tênga neba, n sông tênga taoor dâmba sén mi sulla râmb ninsa fâa tîri, a maan woto me n kô zâmaan a taaba sula râmba. Biiga yùùma, a bângr, a minim la a pân-tôog sén ta zîg ninga fâa, sân pa noor ning sén gâdga yell ninga t'a ra maana bala, a segdame n tùmame:

- a) n sông a roagdba la a buuda na zems taaba, n waoog a roagdba, a taoor dâmba, neb sén yààd-a ne yùùma, la nin-kêemse, daar la wakat fâa, la a sông-ba, b sâ n wa tar bôn-daabo.
- b) A sén paam bângr la minim ninsa wâ, a râk rê n tùme, n maan sôngr tùùma n kô a tênga neba a pân-tôog tèka.
- c) A tùme, n koglege, la a paas tênga nimbuïida ne taab naag-n taarâpânga la tênga.
- d) N tùme n koglg bûmb nins sén sômb Afirknin-buiida kùdemda wèèngêne buud a taab nimbuïid wùm taab wèèngê, tà b fâa lebg yam a yembre, tà bas taal zîndi, yâ-taab la yê samsaab zems n taar pùga, n yâ sabaab tà neba paam yam vààm tagsg sông ne taaba,
- e) N tùm n kogleg la a paas nimbuïida soog n menga pânga la a tênga soolem zânga pânga,

f) N yà sabaab ne a pânga, a bângr la a minim, a sén tôe fâa daar la wakat fâa la zîg fâa n tôog sông tà nimbuïda bâng la b maan tà Afirk kamba fâa lagem taaba n lebg bûmba a ye.